

Antiqvae Lectionis Tomus ...

In Qvo Plvra Qvam XX. Antiqua monumenta, nunquam edita

Canisius, Heinrich

Ingolstadii, 1602

XLVII [i. e. XXXVIII]. Sermo Ipsivs.

[urn:nbn:de:hbz:466:1-64160](https://nbn-resolving.de/urn:nbn:de:hbz:466:1-64160)

ardentissime flenti Ecclesiæ lugendo ipse ac dolendo luctum auxit & dolorem. Iam enim per totum triduum dormitionis eius corporis gleba per omnes Ecclesiæ circumferebatur, Sacrificio indefessisq; orationibus & multis elemosynatum lagitionibus beata ei' anima Deo commendata fuerat ab omnibus. Quarto die vbi ad locum tumuli ventum est, Episcopus commendationem celebrauit, atq; inter Missarum solemnia quæ pro dilecti patris & amici multa intentione deuotus agebat, ad mœrentem & lugentem conuersus multitudinem, breue quidē, sed gratiæ dulcedinis plenum intulit sermonem, ita dicēt;

SERMO IPSIVS.

XLVII.

& Vbera

N quid fiet? quid erit consilij? mortua est Martha. Ecce vbi iacet. Quis ergo venientem dominum Iesum in hoc castello amodo suscipiat? Evidem defuncta est, defuncta est Martha, quæ illum suscipere consueverat. Defuncta est hospita domini Iesu Christi, quæ venienti hospitium præbebat, sed & ponebat mensam; Pariter benigne ac liberaliter ministratum ab eo est; nisi quod non solum ministravit Christo, sed minister & hospes ac susceptor fuit Christianorum. Et quis stabit in loco eius, quis vicem ministerij huius implebit? Quis rogo aget quæ iste agere consuevit? Omnibus gradibus, omnibꝫ ordinibus, omnibus personis Ecclesiæ valde utilis fuit. Ecce defunctus est, vt vere dicam seruus seruorum Dei, quid facietis monachi? Quid facietis clerici? Quid facietis pauperes & mendicis? Quis vobis restituet matrem vestram? Vbi amodo illa materna* verbera, vbi maternos affectus quæretis? Sed quærere vbiq; potestis; vobis denuncio, nusquam inuenietis. sui temporis enim sæcula (confidenter dico) hunc solum,

hunc

hunc vnum tantæ misericordiæ virum habuerunt. vt enim de alijs virtutibus taceam quæ plurimæ fuerunt, sed misericordia & misericordiæ operibus tantus erat, vt nullum penitus ex omnib^o mihi notis possim ad æquare. Sed quid dicam? doleo dico iterum, doleo vicem illorum, qui in finum hunc misericordiæ fugere cosueuerunt. Doleo, vt verum fatear, vicem meimetipius, ac vta dicam, me miseret mei meritoq; conturbor. Multum enim præsidij multū solaminis in hoc amico perdidi. hic enim commodus, societate oportunus, magnum mihi fuit præsidium. cum hoc fiducialiter ac tute omnes curas meas, omnia negotia seu consilia pensiora communicare solebam. hic mihi, vt breuiter dicam, in omnibus oportunitatib^o meis magnus fuit subleuator. De me certe dico. Nā mei nominis ordo vniuersus, videlicet ordo pontificalis hoc adempto compare, merito lugebit. Conuentus quippe nostros in cōcilijs siue curijs, virtutum suarum radijs collustrabat. In hoc vt ita dicam, quasi in veteri libro, quomodo nobis viendum, vel quid agendum esset conspiciebamus. Sancta enim exempla, sanctæ actiones magis erudiunt, quam verba. Sed doctrina hæc, ô dolor, rara est in hominibus: quotquot sumus, eloquio magis, quam exemplo proximos ædificare studemus. Sed iste & eloquio & exemplo, dixit & fecit. Talem Martham de medio nostri ablatā æqua mēte quis ferat? Sed vado ad altiores. Huius certe interitū, o Romane pōtifex caput facio sanctæ Ecclesiæ senties; & tu regnator orbis..... Imperator Rom. Auguste casum Pontificis huius experieris. Ambo per maxima magnaq; clade multitati estis. Magnus enim ad hoc ille ambi dexter vobis occubuit. Occubuit ille qui vtraq; manū p dextera vtebatur Israheliticæ gentis duxor egregius. Occubuit, inquam qui potis erat & industrius & prona voluntate reddere

quæ

quæ sunt Cæsaris Cæsari, & Deo quæ sunt Dei. Non tibi, o Imperialis maiestas, non tibi cito consurget alia colūna, cui tām fiducialiter inniti queas, hic te quidem non solum diuitiis & prudentia sœculari, sed, quod vtraque maius est, sanctitate suffulsit. Sanctitate, & virtutum meritis Imperatorem pa---sbleuauit. Iusticia enim & san---dexterā eius non parua---non acta. non parua hæc mutatio dextræ Dei. Non ergo leuiter ferenda talis viri mors. Vbi amodo tale ingenium, talem prudentiam, talem bonitatem inueniemus? Sed redeamus ad monachos, redeamus ad populum spiritualem, detrimenta illorum lamenta nobis faciunt. Quid fiet de illis? Quid fiet de monachis & pauperibus, qui ad has manus spectare consueuerant? lugetis video & fletis OTTONEM nostrum; & certe non immērito. vobis enim ille occubuit, vobis ablatus est. Vos nempè o monachi spiritualis populus eius & oues manus eius, hic profecto erat qui de abundantia diuitium huius mundi vestram supplere sollicitus fuit inopiam. hic magna auctoritatis exemplo gloriari solebat, dicens, Spolians Ægyptios, ditaui Hebræos, nam reuera sanctè ac religiose multa sœcularibus extorsit, quibus penuriam sbleuaret spiritualium. Sancta & religiosa fraude, vt ita dicam, diuites circumueniebat, vt eleemosynas facerent quandoq; non cogitatas. Argumentos enim erat in lucris diuinis. Nam & manus Domini cum eo erat. O quam multos diuites cum suis omnibus diuitijs ad spiritualem vitam traiecit! quidquid personarum, quidquid rerum vel operum sœculo auferre potuit, Deo aptauit, pietatis ac misericordiæ obtenuit. Quid multa? misericordia eius, super omnia opera eius. misericordia Dei ante oculos eius semper fuit. Orate ergo fratres dilectissimi, Orate attentius, vt & ipse hodie misericordiam consequa-

sequatur. Orate ut illa beatissima anima, quam credidit, quam sperauit, quam dilexit, re ipsa Dei misericordiam hodie percipiat. Evidem non surdis auribus illud euangelicum accepit: Beati misericordes, quoniam ipsi misericordiam consequentur. Et: Estote misericordes, sicut Matth. 5.
Pater vester misericors est: nullus autem misericors es. & pater vester misericors est: nullus autem misericors es. & poteſt qui non & humilis fuit. Omnis ergo misericors, & humilis est. Vnde inferre possumus bene, quod veram & coram Deo probatam habuit humilitatem Spiritus eius, qui tantæ misericordiaæ extitit. Interuentu ergo beatæ Dei Genitricis MARIAE, cui semper deuotus fuit; interuentu beati MICHAELIS Archangeli, cuius Ecclesiæ reparator & sublimator, hodie conspicitur, quem patronum & seruatorem & corpori & animæ suæ delegit; interuentuque omnium beatorum spirituum spiritus eius diuinam misericordiam consequatur; Ipsorum, inquam, atque omnium Sanctorum suorum meritis, si vspiam, sicut est humanae fragilitatis, tanta eius opera, tantæ ipsius miseraciones & benefacta, humana laude vel laudis intentione titillata vel maculata: nihil enim satis purum coram summo iudice; rogate quæso attētius: oremus omnes pariter ut hoc abolere, hoc tollere dignetur ipse, qui tollit peccata mundi Agnus Dei dominus noster Iesus Christus, qui cum patre & Spiritu sancto viuit & regnat Deus in saecula seculorum.

Quanta vero vociferatione quanto mugitu quantis affectibus & lachrymis omnes AMEN responderint, dici non potest. Sic ergo finita Missa, in loco, ubi canitur, in Ecclesia beati MICHAELIS, Comitibus, Marchionibꝫ seu alijs quibuslibet nobilibus feretrum eius certatim gestantibus farcifagum, leuantibus, seu alia quæ ibi erant necessaria operiorum more suis manibus deuotissime agentibus,

Pp. cius

cius corpus tumulatum est. Anno Dominicæ incarnationis M. XXX. VIII. tertio Nonas Iulij, feliciter.
AMEN.

EXPLICIT LIBER TERTIVS DE VI-
ta & virtutibus beati OTTONIS Babergen-
sis Episcopi Confessoris & Pomeranicae
gentis Apostoli, &c.



AR.